



Broj: 10/E-11-1371/26

Sarajevo, ~~25-06-2026~~ godine

Na osnovu člana 70. stav (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana Rješenjem Općinskog načelnika, broj: 10-45-150/26 od 06.03.2026. godine i Rješenjem Općinskog načelnika o imenovanju zamjenika predsjedavajućeg Komisije za nabavku roba, usluga i radova II, broj: 10-45-150-1/26 od 25.03.2026. godine, (u daljem tekstu: Komisija II), u postupku javne nabavke: Usluge obaveznog i kasko osiguranja motornih vozila u vlasništvu Općine Centar Sarajevo, putem konkurentskog zahtjeva za dostavu ponuda (Zapisnik o pregledu i ocjeni ponuda broj: 10/E-11-3713/26 od 19.06.2026. godine), Općinski načelnik donosi

### **ODLUKU O IZBORU NAJPOVOLJNIJEG PONUĐAČA**

- I.** Prihvata se ponuda prvorangiranog ponuđača „**EUROHERC OSIGURANJE**“ d.d. Sarajevo, ulica Trg međunarodnog prijateljstva broj 20, 71000 Sarajevo, broj ponude: 263031110 od 10.06.2026. godine, za usluge obaveznog i kasko osiguranja motornih vozila u vlasništvu Općine Centar Sarajevo, putem konkurentskog zahtjeva za dostavu ponuda, po cijeni u ukupnom iznosu od **5.007,69 KM bez PDV-a**.
- II.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo ([www.centar.ba](http://www.centar.ba)) u skladu sa članom 70. stav (6) Zakona o javnim nabavkama.

### **O b r a z l o ž e n j e**

Postupak javne nabavke usluga obaveznog i kasko osiguranja motornih vozila u vlasništvu Općine Centar Sarajevo, pokrenut je Odlukom Općinskog načelnika o pokretanju postupka javne nabavke, putem konkurentskog zahtjeva za dostavu ponuda, broj: 10/E-11-3713/26 od 01.06.2026. godine. Predmet nabavke nije podijeljen je na LOT-ove.

Ukupna procijenjena vrijednost javne nabavke iznosi 7.850,00 KM bez PDV-a.

Obavještenje o nabavci: 848-7-2-99-3-144/26 od 04.06.2026. godine, objavljeno je na Portalu javnih nabavki ([www.ejn.gov.ba](http://www.ejn.gov.ba)).

U krajnjem roku za predaju ponuda određen tenderskom dokumentacijom (17.06.2026. godine do 10:00 sati), na adresu Ugovornog organa primljene su 2 (dvije) ponude ponuđača: 1. „SARAJEVO-OSIGURANJE“ d.d. Sarajevo i 2. „EUROHERC OSIGURANJE“ d.d. Sarajevo. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda. Nakon što je utvrđena blagovremenost i urednost dostave, pročitane su cijene ponuda, kako slijedi:

R/b	Ponuđač	Ukupna cijena bez PDV-a (KM)	Popust
1.	„SARAJEVO-OSIGURANJE“ d.d. Sarajevo	6.158,00	/
2.	„EUROHERC OSIGURANJE“ d.d. Sarajevo	4.915,70	/

Nakon izvršenog javnog otvaranja ponuda, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Na osnovu uslova i zahtjeva iz tenderske dokumentacije koji se odnose na kvalifikaciju ponuđača, Komisija II je, nakon izvršenog pregleda i analize dokumentacije, jednoglasno utvrdila da ponuđači ispunjavaju sve formalno-pravne, te tehničke i profesionalne uslove propisane tenderskom dokumentacijom.

Komisija II je izvršila detaljnu računsku provjeru pristiglih ponuda u postupku javne nabavke: Usluge obaveznog i kasko osiguranja motornih vozila u vlasništvu Općine Centar Sarajevo.

Tom prilikom ustanovljeno je da u ponudi ponuđača „EUROHERC OSIGURANJE“ d.d. Sarajevo, tačnije u Obrascu za cijenu ponude (Aneks 2), u tabeli, rubrika „Ukupno premija osiguranja (KM/godišnje)“, na stranici 19 ponude, postoje računске greške koje je bilo potrebno ispraviti, i to:

- Ukupno premija osiguranja (KM/godišnje): umjesto 4.915,70 KM treba stajati 5.007,69 KM.
- Slovima: umjesto četirihiljadedevetstotinapetnaest 70/100 treba stajati pet hiljada sedam i 69/100 KM.

U Obrascu za cijenu ponude (Aneks 1), na stranici 11 ponude ustanovljene su sljedeće greške koje je bilo potrebno ispraviti:

3. Cijena naše ponude (bez PDV-a) je - umjesto 4.915,70 KM treba stajati 5.007,69 KM;  
Cijena naše ponude, sa uključenim popustom je - umjesto 4.915,70 KM treba stajati 5.007,69 KM;  
Ukupna cijena za ugovor je - umjesto 4.915,70 KM treba stajati 5.007,69 KM;  
Slovima: - umjesto četirihiljadedevetstotinapetnaest 70/100 KM treba stajati pet hiljada sedam i 69/100 KM.

Ispravka računskih grešaka odnosila se i na nacrt Ugovora - Usluge obaveznog i kasko osiguranja motornih vozila, koji je ponuđač parafiranog i potpisanog dostavio u ponudi (Aneks 6), odnosno iznose evidentirane u tabeli – stavka „Ukupno premija osiguranja (KM/godišnje)“, ukupan iznos premije osiguranja ispisan slovima, kao i na sva ostala mjesta u ponudi na kojima su navedeni ovi iznosi.

S tim u vezi, Komisija II je dopisom broj: 10/E-11-3713/26 od 17.06.2026. godine od ponuđača „EUROHERC OSIGURANJE“ d.d. Sarajevo tražila da se pismeno izjasni o tome da li prihvata ispravku računskih grešaka u dostavljenoj ponudi, u skladu s detaljnim obrazloženjem.

Ponuđač „EUROHERC OSIGURANJE“ d.d. Sarajevo je dana 18.06.2026. godine putem e-maila dostavio pisani akt, broj: 263031154 od 18.06.2026. godine, u predmetu označen kao „Saglasnost na ispravku računске greške“, kojim:

- prihvata izvršene ispravke računskih grešaka;
- potvrđuje da ukupna premija osiguranja glasi na iznos 5.007,69 KM (pethiljada sedam i 69/100);
- potvrđuje da se saglasnost odnosi i na nacrt Ugovora – usluge obaveznog i kasko osiguranja motornih vozila, odnosno na iznose evidentirane u tabeli – stavka „Ukupno premija osiguranja (KM/godišnje)“, ukupan iznos premije osiguranja ispisan slovima, kao i na sva ostala mjesta u ponudi na kojima su navedeni ovi iznosi.

Na osnovu dostavljenog izjašnjenja, Komisija II je konstatovala da ponuda ponuđača „EUROHERC OSIGURANJE“ d.d. Sarajevo, nakon prihvatanja računskih grešaka, iznosi:

- Ukupno premija osiguranja (KM/godišnje): 5.007,69 KM

Za ponudu ponuđača „SARAJEVO-OSIGURANJE“ d.d. Sarajevo Komisija II je konstatovala da je računski ispravna.

S obzirom na to da je predmetne ponude pripremljene u skladu sa zahtjevima Ugovornog organa, Komisija II ih je ocijenila kao prihvatljive u smislu člana 2. stav (1) tačka I) alineja 1. Zakona o javnim nabavkama.

U daljem toku postupka Komisija II je izvršila analizu i ocjenu dostavljenih prihvatljivih ponude prema kriteriju za dodjelu ugovora „najniža cijena“, shodno članu 64. stav (1) tačka b) Zakona o javnim nabavkama.

R/b	Ponuđač	Ukupna cijena bez PDV-a (KM)
1.	„EUROHERC OSIGURANJE“ d.d. Sarajevo	5.007,69
2.	„SARAJEVO-OSIGURANJE“ d.d. Sarajevo	6.158,00

Nakon izvršenog vrednovanja ponuda prema kriteriju za dodjelu ugovora „najniža cijena, utvrđena je sljedeća rang-lista ponuđača:

Rang	Ponuđač	Ukupna cijena bez PDV-a (KM)
1.	„EUROHERC OSIGURANJE“ d.d. Sarajevo	5.007,69
2.	„SARAJEVO-OSIGURANJE“ d.d. Sarajevo	6.158,00

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

### PREPORUKA O PRIHVATANJU PONUDE

Prvorangiranog ponuđača „**EUROHERC OSIGURANJE**“ d.d. **Sarajevo**, ulica Trg međunarodnog prijateljstva broj 20, 71000 Sarajevo, broj ponude: 263031110 od 10.06.2026. godine, putem konkurentskog zahtjeva za dostavu ponuda, po cijeni u ukupnom iznosu od 5.007,69 KM bez PDV-a, kao najpovoljnije za usluge obaveznog i kasko osiguranja motornih vozila u vlasništvu Općine Centar Sarajevo.

Sa izabranim ponuđačem će se zaključiti ugovor, kojim će se regulisati međusobna prava i obaveze ugovornih strana.

Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.


#### Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, br. 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda  
broj: 10/E-11-3713/26 od 19.06.2026. godine



Dostaviti:

1. Ponuđaču: „SARAJEVO-OSIGURANJE“ d.d. Sarajevo  
ulica Maršala Tita broj 29, 71000 Sarajevo
2. Ponuđaču: „EUROHERC OSIGURANJE“ d.d. Sarajevo  
ulica Trg međunarodnog prijateljstva broj 20, 71000 Sarajevo
3. Službi za zajedničke i tehničke poslove
4. Kabinetu općinskog načelnika – Odsjek za javne nabavke
5. Službi za finansije
6. U spis